

615 Nûn ist hie niemen denne wir,
 vrouwe, nû tuot genâde an mir.«
 si sprach: »an geísertem arm
 bin ich selten worden warm.
 5 dâ gein ich niht wil strîten,
 ir enmegt wol zandern zîten
 dienstes lôn an mir bejagen.
 ich wil iwer arbeit klagen,
 unz ir werdet wol gesunt
 10 über al, swâ ir sít wunt,
 unze daz der schade geheile.
 ûf Schastel Marveile
 wil ich mit iu keren.«
 »ir welt mir vreude mîren«,
 15 sus sprach der minnen gernde man.
 Er huop die vrouwen wolgetân
 mit drucke an sich ûf ir pfert.
 des dûht er si dâ vor niht wert,
 dô er si ob dem brunnen sach
 20 unt si sô twirhlingen sprach.
 Gawan reit dan mit vreude siten,
 doch wart ir weinen niht vermiten,
 unz er mit ir klagete.
 er sprach, daz si sagete,
 25 war umbe ir weinen wäre,
 daz siz durch got verbære.
 Si sprach: »hêrre, ich muoz iu klagen
 von dem, der mir hât erslagen
 den werden Cidegisten.
 30 des muoz mir jâmer tasten

*D: D Z *m: m *G: G I L Z *T: U V

1 Initiale D Z L **14** Initiale G **15** Initiale I **16** Majuskel D **21** Initiale U V **27** Initiale D m

1 Nûn ist] ðv nist D 2 nû] om. Z *m 3 geísertem] gesertem Z (*m) 5 gein] engegen Z I L V 7 dienstes] diens D 10 swâ] da Z 11 daz] om. Z I L 15 sus] om. *m 17 ir] daz Z *m 18 er si] sie in Z er sich *m 21 dan] om. *m 25 war umb ir weinen wär *m 26 und si durch got daz verbær. *m 30 tasten] stasten D